

小華續錄

東華續錄

道光二十六年

臣王先謙敬編

臣周潤蕃恭校

秋七月乙巳朔諭前據楊遇春等奏貴德卡外思昂拉番族搶劫派用撒拉東洋面並刊刻通商事略說民賊性獷悍向來卡外小有不靖從未派令前往拒敵當降旨令楊遇春將在彼彈壓不許居民私相交人主見據實覆奏茲據奏恒敬酌派兵回前往後始行札知該督是此次派立法基嚴乃明知故違且以主見不知事體之輕重實屬昌昧著傳旨申飭嗣後如有卡外搶劫等案不得派用回民仍令報官查辦以杜流弊○丙午雨○諭本年英吉利國商船駛至福建江蘇浙江等省已經各該省督撫嚴飭沿海將弁驅逐出境本日又據訥爾經額奏六月十八日有英吉利商船復駛至山東洋面並刊刻通商事略說二紙大意以粵省買賣不公希冀另圖貿易爲言已經訥爾經額嚴飭將弁在彼彈壓不許居民私相交易一俟南風稍息卽督押南駛驅出東境因思該國向例止准在廣東貿易立法基嚴乃明知故違且以廣東買賣不公爲詞是否廣東洋商貿易不能公平抑或另有他故著李鴻賓等體察情形據實具奏至夷船駛入內地必先由廣東洋面經過如果水師員弁實力巡堵何至令其北駛至一經闖入內洋則洋面遼闊阻截較難卽多派兵船驅逐截回或致別生事端實屬不成政體著李鴻賓等妥籌防堵章程並

諭以天朝定制該國止准在廣東貿易不准任意駛入內洋就地銷貨俾恪遵定例是爲正辦並飭李增階督率水師隨時稽查儻有北駛夷船力行截回如再有闖入沿海內洋者惟該督等是問○丁未大雨○諭前因原任伊犁參贊大臣容安身爲統兵大員不知緩急當英吉沙爾喀什噶爾二城待援甚亟容安庸懦無能坐擁重兵不趕緊由葉爾羌進發乃令哈豐阿等繞道和闐前往以致耽延一月之久畏葸不前貽誤軍務業經問擬大辟解部監禁入朝審情實辦理實屬罪所應得姑念伊曾祖阿桂平定西陲經理新疆周詳妥協嗣辦大小金川又剿捕撒拉爾及石峰堡回匪立就殄平入任綸扉贊襄樞要二十餘年懋績不著有古大臣之風嘉慶年間 賜諡文成並入祀賢良祠道光三年加恩配饗 太廟功加於時實堪嘉獎那彥成雖經獲咎而在嘉慶年間曾在軍營出力道光年間兩任總督宣力中外尙無貽誤若使容安觀望遷延英吉沙爾喀什噶爾二城竟至失事朕必照軍法嚴辦示懲斷不能曲加寬宥彼時二城安堵見在霍罕伯克遣使進表極爲恭順一切善後事宜經長齡等妥爲辦理朕軫念蓋臣推恩後裔容安尙可寬其一綫量從末減著加恩貸其一死發往吉林充當苦差○己酉諭昨日吏部將滿洲二品廕生分部學習期滿以主事補用之康長一員帶領引見因念伊祖托津以大學士管理部務宣力有年人甚謹飭康長著加恩准其留部遇有主事缺出卽補○庚戌撥米二千二百石交五城開廠煮賑○壬子撥戶部銀一百萬兩常平倉穀二十萬石江西新漕三十萬石備直隸賑需○癸丑命順天府

分設七廠平糶○戶部議准協辦大學士兩廣總督李鴻賓等奏外夷各國均已產鉛請暫停白鉛出洋一摺得旨依議粵東濱臨大海通洋河道甚多見在白鉛停止出洋誠恐日久疏於防範以致奸商販運復有偷漏營私等弊著該督等嚴飭關津要隘地方各官隨時認真巡查遇有私販鉛斤卽照違禁例分別嚴辦仍於年終取具關廠各官並無出洋白鉛切實印結送部查覈並酌定稽查章程報部覈辦以垂永久而杜流弊○己未添設塔爾巴哈台各部落委筆帖式一○庚申以失察尹老須等倡立邪教降琦善三品頂帶褫花翎歷任各官降革罰俸有差○乙丑廣西賀縣盜匪盤均華等滋事祁墳遣兵剿平之○癸酉永定河南六工溢○甲戌裁湖北施南府通判保康縣訓導○是月賑福建澎湖廳風災給湖北天門縣水災口糧展緩直隸大城等八十二州廳縣河南陳留等十六州縣逋賦緩徵福建澎湖廳風災新舊額賦

八月丁丑諭李鴻賓等奏海疆難治要缺人地實在相需請准調補一摺前因朱桂楨奏請以葉承基調補海陽縣知縣陳鳳圖調補揭陽縣知縣當經吏部查明該員與例不符業已降旨斥駁茲據李鴻賓等復以人地實在相需再行瀆請豈通省中舍此二員別無勝任之人且葉承基本任高要縣係衝繁疲難兼四繁缺與所請海陽縣衝繁難兼三要缺定例顯有不符陳鳳圖歷俸未滿三年亦屬違例若各督撫以意爲高下易啓賣綠鑽刺之門於吏治大有關係該督等所奏仍不准行所有海陽縣揭陽縣二缺著

該督撫另選合例人員奏請調補○諭從前恬嬪下曾有一女子因病出宮並奏請病好仍著進宮近又有皇后下女子一人因病出宮經皇后面奏此女子進宮八年甚屬得力俟病好仍著進宮均經允准近因檢查見行則例內載凡已出宮女子不許復進宮出入傳宣內外一切事情亦不准差人至宮門與本主請安例載甚明在皇后下病出之女子俟病好仍欲令其進內當差原無別項情事况業經病故恐日後互相效尤既出復入必致滋生事端不可不防其漸嗣後各宮女子有因病出宮者斷不准奏請病好仍著進宮通諭各宮知之仍著載入宮中見行則例○己卯裁江蘇華亭縣主簿江甯府鎮江府照磨金壇縣巡檢揚州府檢校○庚辰裁陝西鄜州州同蒲城縣巡檢甯羌州褒城縣驛丞延安府學沔縣學府谷縣學訓導○辛巳諭朕伯儀親王永璵秉性端醇持躬恪慎自幼仰承 皇祖高宗純皇帝恩眷迨我

皇考仁宗睿皇帝親政之初晉封親王 簡畀總理吏部及旗營各衙門事務朕御極後因念王年齒既高凡遇內廷宴賚召對特免叩拜王八十壽辰懋加賞賚並將前借王俸未扣銀二萬八千兩全免扣繳復因王年已八旬有三特加恩在紫禁城內乘轎行走於應得王俸外每年加賞俸銀五千兩迨王年八十有六不宜勞勩免其進坤甯宮喫肉每次頒給背鐙肉一分復降旨嗣後 壽皇殿 安佑宮行禮免其隨往如遇行禮日期著於府第內向上行禮以展誠敬又降旨每歲元旦暨正月十四日宗親筵宴均免入宴屆期頒給果品菜餚一席王年將九裘而精神矍鑠城內郊外皆有賜第儘可隨意安居從容

頤養長承恩禮本日聞王偶違微疴甫降旨於初九日親詣府第視疾方冀病勢漸愈遽聞薨逝實深震悼朕伯止王一人康強壽考朕篤眷親親疊加優異今王薨逝近支伯叔中更無尊行朕懷益增悲惋著賞給陀羅經被派惇親王繇愷卽日帶領侍衛十人代朕前往賜奠加恩於例賞外由廣儲司加賞銀五千兩經理喪事朕於十一日親臨賜奠以示優崇所有飾終典禮著各該衙門察例具奏尋賜祭葬諡曰

愼○甲申裁長蘆滄州運判興國場大使山東膠萊運判登甯場信陽場大使移天津運同駐滄州○乙

酉 上臨儀親王永璇第賜奠以其子繇志襲爵○辛卯裁安徽徽州府通判蕪湖縣縣丞○壬辰以德

春爲左副都御史

由通政使遷

○甲午諭逆裔趙金隴前在湖南潛蓄異謀聚衆滋事廣東界屬毗連不過小

醜被其煽結若果早事攻剿必不至日久蔓延半載有餘尙未戡事李鴻賓始則觀望遷延坐失事機及赴連州督師仍未能相機趕辦妥速完結朕覺其籌辦不實不善當降旨交禧恩瑚松額確切查明據實具奏茲據禧恩等奏李鴻賓於五月閒始抵連州定計分路進剿山深箐密偵探未確卽行進兵墮賊設伏奸計將弁兵勇多有傷亡辦理已屬失宜兩月以來雖聞有斬獲亦僅一二搶掠匪徒並未搗穴攻巢擒渠斬馘且意主招安搖匪正在鳴張非大加懲創安能帖然就撫實屬懦弱無能毫無布置節次所奏軍情與禧恩等所查情形亦有未符是其含混入奏不肯從實誤事之罪更無可辭又據禧恩等奏該省調至軍營戰兵六千餘名不慣走山沿海各營兵丁多有吸食鴉片煙者兵數雖多難於得力該省營伍

皆屬總督統轄如果平素整頓操防實心訓練一兵得一兵之用何至臨陣怛怯有名無實徒致虛糜糧餉且以該省兵丁在該省山路行走尤應熟習何得謂之不慣平日廢弛臨事畏葸訓馭種種乖方李鴻賓著革職來京交部治罪已革休致提督劉榮慶營伍乃其專責進剿又不得宜厥罪惟均亦著來京交部一併治罪○諭軍機大臣等據禧恩等奏剿辦連山盜匪連獲勝仗見擬添兵進攻一摺廣東大掌嶺大古坳陽公岐各排沖盜匪六七百人於七月二十二日四路全來直撲營卡經禧恩等分派都司馬全等抵禦攻擊傷斃盜匪二十餘人二十五日大木根大橋頭六對冰崗四沖盜匪漫山塞嶺直撲大營總兵曾勝整隊迎敵復經禧恩等分派都司鄧宏等兩路截殺將大木根大橋頭六對冰崗四沖賊巢全行燒毀斃盜匪二百餘人二十七日曾勝率兵徑取上下坪並派都司陳連升等分截六對後山官兵奮勇搶占賊隊所踞山梁剿斃盜匪無算餘匪奔竄所辦俱好見在盜匪灰燼之餘應知畏懼雖有盜目出山乞降狼子野心豈足憑信必須痛加剿洗方足以伸天討而快人心惟廣東兵丁不甚得力戰兵僅止黔楚精銳三千名深入剿辦必須厚積兵力往來接應方能得勢所請再調楚省精兵二千名著照所請辦理盧坤羅思舉接到移咨想已照數調撥飛速前來連州禧恩等務當鼓勵士卒直搗賊巢將著名頭目按名擒獲絕其萌孽散其脅從永靖邊圉方爲不負委任○諭禧恩等奏察看八排盜匪情形一摺據稱於到粵後卽馳赴連山軍營周歷查看八排山勢周圍毗連三省山內盜崗是其巢穴周圍小沖七八十

處煙戶不下五六萬良莠各居其半匪盜專事搶劫間有漢奸窩踞該省自本年正月辦理盜匪劉榮慶帶領防兵三四千名剿捕兵力不足彼時各排散盜已被楚省逆裔勾結咸思蠢動劉榮慶不能即時分剿止就行劫處所抵禦斃一匪而傷數兵得不償失盜匪益無忌憚李鴻賓於五月十三日到連州定計進剿未能偵探明確致盜衆設伏準備總兵余德彪領兵深入已屆日暮被盜匪乘夜來劫拋擲火彈將弁兵勇自相踐踏多有傷亡實屬辦理失宜盜匪益肆猖獗兩月以來李鴻賓督兵進剿間有斬獲亦僅就出山肆掠盜匪截殺並未深入其阻且自五月二十二日進山挫折以後該督意主招安盜匪正在鷓張非大加懲創知所畏懼安能帖然就撫該督意圖將就了事實屬懦弱無能誤事之罪已無可辭見已明降諭旨將李鴻賓革職交部治罪並將劉榮慶一併治罪著卽飭令來京兩廣總督已放盧坤並著速赴連州會同籌辦盧坤未到任以前兩廣總督著蔣恩署理又據查見在調齊之兵雖有一萬餘名廣東本省兵丁居十分之七向來輒弱不慣走山且沿海各營兵丁多有吸食鴉片煙者該省營務廢弛平素整頓操防可想而知此時自不能得力所請派調湖南湖北勁旅二千名盧坤等接到移咨自己迅速照數調往著會同余步雲等相機攻剿務期搗穴擒渠一鼓奏功不得再有遲延以致老師糜餉至各排沖醜類繁多如果真心誓服仍俟盧坤到時商同妥籌安撫以冀迅速歲功所有該省剿捕耽延之咎大概已悉至起釁之由仍著確查據實具奏○命阮元協辦大學士仍留雲貴總督任○調盧坤爲兩廣總督

以訥爾經額爲湖廣總督鍾祥爲山東巡撫陳鑾爲江西布政使張岳崧爲浙江按察使

由鹽運使遷

○乙未

調陳鑾爲江蘇布政使桂良署江西布政使○壬寅裁江西建昌府九江府通判袁州府撫州府九江府照磨武甯縣新淦縣德興縣巡檢○是月給山西朔州水災口糧修費蠲緩安徽懷甯等二十九州縣衛上年水災旱災額賦緩徵福建澎湖廳災民雜款銀

九月甲辰朔阿勒清阿緣事解任以尹濟源爲山西巡撫劉重麟爲四川布政使程懷璟爲江西按察使

由廣東鹽運使遷

○調夏修恕爲安徽按察使色卜星額爲山西按察使○丙午諭軍機大臣等本日據張井由

驛馳奏奸民聚衆強挖官隄掣動全黃大溜入湖急籌堵閉一摺本年淮黃並漲均經隨時搶護平穩八月二十一日龍窩汛十三堡有湖內奸民駕船攜帶鳥槍器械攔截行人網縛巡兵將大隄刨挖見在口門已寬九十餘丈水深三丈以外大溜已掣七分勢將全黃入湖殊出情理之外據張井就見獲從犯孫在山訊出係民人趙步堂雇令挖隄此外認識者尙有本縣生員陳堂監生陳端陳光南劉開成及海金周之子並稱陳端等均有地畝多頃濱臨湖邊連年被水欲挖黃水希圖地畝受淤等語見在首犯未獲所供止圖放淤肥地之語殊不足信且奸匪不止此數自必另有爲首之人別圖不法情事均應徹底根究陶澍見赴安徽江西等省閱伍何處接奉諭旨卽著迅速折回將案內人犯嚴審定擬具奏所有全案逸犯務須飭屬密速掩捕細心嚴鞫盡法懲治毋任一名漏網儻有不實不盡致將來另生事端惟陶

澍是問再見在黃河勢將全行入湖並著陶澍察看水勢應如何相機鑲築其本年回空軍船尤關緊要
是否不至阻滯著陶澍體察情形設法令軍船銜尾歸次毋稍疏虞○命穆彰阿馳往江南會同陶澍查
辦事件○丁未諭近來外省積習屬員一經升調卽拜認師生凡事略分言情無所顧忌吏治廢弛職此
之由古人公忠體國卽誼屬師生尙不肯以私恩廢公義况受爵公朝拜恩私室上司因是而庇護屬吏
以是爲揣摩清夜捫心豈不可恥嗣後直省督撫各宜破除情面賢者舉之不肖者劾之一秉大公毋蹈
陋習○諭吏部議處山西巡撫阿勒清阿等請分別革職降調一摺前任山西巡撫阿勒清阿於已革知
縣李聯蒙得受贓銀外閒既有傳言無難卽時查訊况將此等劣員調補首縣拜認師生迨該革員贓據
已露卽應自避嫌疑據實參劾乃必待衆議沸騰始行奏請革審又不親行提究遲疑遷就動逾數月該
撫平日辦事輒弱此案又復徇情庇護實屬咎無可辭阿勒清阿著卽照部議革職山西布政使邱鳴泰
山西按察使調任安徽按察使夏修恕冀甯道王志澍太原府知府王世紱於此案未能審出實情早日
結案實屬有意迎合邱鳴泰夏修恕王志澍王世紱俱著照部議降三級調用不准抵銷○調奎照爲工
部左侍郎以奕紀爲理藩院右侍郎

由奉宸苑卿遷

○以岳良署山西布政使

前任江西布政使

怡良爲安徽按察使

東鹽運使遷

○張井以河隄盜決奪職暫留河道總督任○辛亥諭軍機大臣等據禱恩等奏進剿盜匪連獲
勝仗各排冲繳械乞降見籌剿撫兼施一摺剿辦甚屬可嘉朕心欣悅之至已另降諭旨分別加恩矣據

稱各排沖猺匪聞大兵雲集不敢出山抗拒有軍寮馬箭等排約會火燒坪大掌嶺里八崗各排猺目猺老乞降當飭臬司楊振麟剴切宣諭如果真心投降必須將滋事首匪擒獻並將器械彙繳出具情願羅髮摘環不敢滋事甘結否則仍當進剿該猺目等陸續繳出器械仍未將匪猺縛送經禧恩等督兵進剿連獲勝仗隨有西路紅泥田等十九沖猺衆出寨投誠懇請免剿禧恩等頒給降猺小旗派員妥爲安置其大掌嶺等排後山猺衆因我兵進逼甚爲震懼惟陽公岐一沖尙有餘匪潛聚東路各沖猺人亦願出就撫禧恩等派臬司慶林等查勘有貓兒坪老寨及六暗馬頭髮等十九沖猺衆頂香跪迎情願出具保結並願將從前焚劫之民汎房閒賠修東路匪猺房鴨脚四等俱經六暗沖良猺網送到官疊劫首匪房八等二十餘名已擒獲正法各沖投首自贖情詞真摯當派委員弁親入猺寨曉諭西路十九沖亦已畏罪歸誠其餘未經投出各沖視大排爲進退大排除行祥一排本未被脅已妥爲安撫外其餘七排惟軍寮火燒坪大掌嶺油嶺四排人數衆多良莠不齊馬箭里八崗橫坑三排勢已窮蹙等語該猺匪如果震懾兵威真心誓服將著名各頭目按名縛獻卽當散其脅從因而示撫以收事半功倍之效盧坤計已到彼著卽商同妥籌安撫以期迅速歲功切不可將就了事稍涉疏虞致貽後患是爲至要李鴻賓劉榮慶著禧恩等派委委員押解來京劉榮慶如已起身回籍著咨明沿途湖南湖北等省該革員行抵何處卽由該省督撫委員押解來京○以剿猺連勝予禧恩獎敘賞總兵曾勝子承禧六品頂帶藍翎○壬子諭

前以兩淮鹽務自去年辛卯開綱後截至今年四月徵收課銀尙未完三分之二降旨詢問陶澍是否確有把握無誤限期茲據奏稱本年奏銷雖已辦竣綱引尙有存留計九月初間壬辰甫得開徵以一年未竣之綱應兩年必需之款辦理實形竭蹶並懇陳兩淮鹺務疲敝情形又以職任較繁請另簡鹽政專司課務實屬有心取巧國家設官分職豈容私意更張朕以陶澍前任江蘇巡撫擢任兩江總督於兩淮鹺務自所熟悉是以於前此請裁鹽政改歸總督管理之時降旨允准如果淮鹺疲敝實難整頓何以於奉命任事之時未思及此並無一言陳奏迄乎兼轄兩年辦無成效又思更改不過以專管兼管其勢甚相懸殊爲此避重就輕之計非爲委卸而何如此居心辦事豈公忠體國者之所爲朕綜理庶政惟知賞功罰過視乎其人之自取從前曾燠張青選福珠隆阿福森尙無推諉情事止因辦理不善且立予罷斥況以總督兼轄鹽政辦理較易責無旁貸何得任意推卸且據稱請飭下湖廣江西安徽等省各督撫凡行銷淮引之處招商領運該督既有此奏卽照所請著湖廣等省各督撫一體招徠民商由地方官給照到揚承充領運俾轉運人衆可期起色試思行銷淮引之地除湖廣外皆其所轄於緝私辦運招商等務本無掣肘呼應較靈尙且不能辦理豈改設鹽政轉能辦理裕如耶若如是朝更暮改不成政體朕不能爲而朕亦不能對天下矣陶澍著傳旨嚴行申飭該督如有天良卽振刷精神勉圖自效儻辦理不善有負委任朕惟有執法從事治以應得之罪不能稍爲寬貸曾燠等卽係前車之鑒懷之愼之毋自貽誤致干

重咎○甲寅調奎照爲刑部右侍郎恩銘爲工部左侍郎○以恒格爲西安將軍松筠署理藩院左侍郎

由副都統遷

○以文慶爲內閣學士兼禮部侍郎銜

由左副都御史遷

○丙辰裁貴州錦屏縣知縣典史訓導歸開泰

縣兼轄改錦屏縣學教諭爲鄉學教諭設錦屏鄉縣丞一裁盤石司巡檢○戊午諭禧恩等由五百里馳奏分別剿撫各排沖見經縛獻首匪率衆投誠猺山全境肅清酌量留撤官兵並確查起釁根由地方官辦理遲延據實奏參各一摺辦理迅速可嘉之至朕心欣慰此次猺匪在大古坳被官兵剿散餘匪房大第六等竄入陽公岐及毗連之上脚垠黃瓜冲等處負固抗拒經禧恩等探明於八月二十二日派副將張必祿等帶領黔楚廣西弁兵由左山梁兜擊陽公岐寨後派副將王錫朋等帶領湖南廣東弁兵由右山梁鈔截前路余步雲與總兵曾勝等帶兵由中路徑進禧恩等在後路接應行至馬頭隘口猺匪一二百人搖旗呼號思撲我兵我兵放槍轟擊立斃十餘人賊衆奔退我兵尾追將及該寨寨內所藏餘匪及奔回匪衆相聚一處抵死迎敵我兵奮勇直入槍礮並發賊匪滾巖落澗者甚多擊斃執旗賊目三人餘由深溝奔潰當卽移兵進剿上脚垠黃瓜冲等處卽有該冲男婦老幼數百人跪地乞命聲稱實係偏脅勉從情願討限設法拏送首匪禧恩等傳諭官兵暫免攻剿勒限三日內縛獻首匪旋於二十三二十五六七等日有大掌嶺降猺帶出陽公岐等處猺衆赴營呈繳槍械具結乞降又據軍察馬箭里八崗火燒坪油嶺橫坑及行祥各排猺目猺老並各小冲千長人等同赴大營呈遞永不滋事連環保結及各排戶

口花名又據火燒坪黃瓜冲等猺衆將疊劫首匪房大第六盤麻三李成意一等三名縛獻並結稱前飭查拏之首匪惟唐阿牛二沈燒酒二名未獲恐已被官兵剿斃容俟寬限訪查不敢隱匿禧恩等察其情詞眞摯宣諭威德賞給銀牌花紅並將縛獻之房大第六盤麻三李成意一並前獲之鄧三盤文理盤八唐四李一房六等及土匪李安達李成仲等卽在軍前正法梟示使各猺衆環視行刑並諭令大小各排冲俱令薙髮摘環永爲盛世良猺該猺衆等俱各伏地叩頭涕泣改悔見經委員親入猺寨編查戶口花名設立門牌隨將大營撤出山外將湖南貴州官兵三千四百餘名先行撤回廣西廣東各兵分別遣令歸伍酌留廣西兵一千名廣東兵二千名分駐連山上一帶交總兵曾勝管帶以慎巡防俟冬底春初再行察看情形撤回歸伍其前經奏調湖北官兵著卽停止禧恩瑚松額前經派往湖南查辦江華猺匪督兵剿捕廣西竄入楚境猺匪甚爲得力及前往廣東於該省事閱半載未能剿辦之猺匪甫抵連州一月卽能大加懲創以振國威各排冲投誠乞命辦理實爲迅速禧恩著加恩賞戴三眼花翎伊本係鎮國將軍並著封爲不入八分輔國公瑚松額著賞戴雙眼花翎並賞給一等輕車都尉世職余步雲前在湖南認真剿辦及調任廣東奮勇出力一切機宜俱臻妥協著加恩賞戴雙眼花翎並賞給一等輕車都尉世職曾勝先派帶兵到廣東屢著勞績勇敢可嘉著加恩賞給提督銜並賞給雲騎尉世職以示獎勵其在事出力人員著查明覈實保奏候朕施恩傷亡兵丁照例咨部辦理其辦理遲延文武各員除李鴻賓

劉榮慶已降旨押解來京交部治罪外所有軍需例准開銷銀兩內自五月二十二日起至八月二十九日止一切支銷銀款著落李鴻賓賠繳三成陽江鎮總兵余得彪著降爲水師營都司留粵候補撤任南韶連鎮總兵得志著以都司守備降補署臬司慶林著革去按察使以道員用仍交部議處以示懲儆失察文武各員查取職名送部照例議處曾勝著調補廣東南韶連鎮總兵其高州鎮總兵恒安著送部引見所遺員缺著阿精阿調補發去三眼花翎一支著禧恩祇領雙眼花翎二支著瑚松額余步雲祇領將此通諭中外知之○以龔綬爲甘肅按察使

由廣東惠潮嘉道遷

○己未調色卜星額爲甘肅按察使龔綬爲山西

按察使○癸亥諭璧昌等奏烏什所屬之布嚕特等進卡貿易可否免稅等語烏什卡外所屬之布嚕特等接壤邊卡均極恭順所有進卡貿易之人著加恩一體免其納稅○丙寅裁雲南曲靖府水利同知劔川州阿彌井鹽大使曲靖大理永昌三府司獄順甯府知事○丁卯諭從前乾隆年間逆回布拉呢敦霍集占以叛伏誅布拉呢敦之子阿布都哈里因年幼無知貸其一死賞給功臣爲奴道光三年朕因其尙屬安靜加恩照當差回子之例將伊一家入於正白旗蒙古賞給差使七年六月因張格爾入卜肆逆法當緣坐猶不忍槩予駢誅將阿布都哈里及其子孫分撥雲南廣東廣西福建等省安置永遠監禁其眷屬發江甯杭州駐防爲奴節據各該省巡撫具奏該回子等在監安靜今張格爾久已明正典刑阿布都哈里伯巴克俱經病故查張格爾入卡滋事時阿布都哈里等並無同謀知情亦無遙應情事朕仰體

皇祖高宗純皇帝寬仁之德念父子兄弟罪不相及阿布都色莫特阿什木馮氏怕特買楊氏大妞俱著加恩准其釋回派員妥送來京仍隸正白旗蒙古旗籍其阿布都哈里伯巴克之極並著該省巡撫派人送京以示朕法外施仁至意○以貴慶爲倉場侍郎奎照爲泰甯鎮總兵官調鄂順安爲刑部右侍郎凱音布爲刑部左侍郎轉鐵麟爲兵部左侍郎調奕紀爲兵部右侍郎以聯順爲理藩院右侍郎由奉宸苑卿遷○己巳以道慶爲內閣學士兼禮部侍郎銜由御前侍衛遷○辛未裁南河清江閘閘官丹徒如皋興化三縣縣丞○湖南逆盜趙幅金等伏法○癸酉移江蘇沭陽縣錢家集縣丞駐高流鎮○是月給江蘇桃源縣湖北天門等七縣衛水災口糧貸山西山陰縣歉收倉穀緩徵齊齊哈爾兵丁貸糧

閏九月甲戌朔諭軍機大臣等林則徐奏拏獲乞丐隄重犯一摺桃南廳屬奸民聚衆乞丐隄見據林則徐奏稱已將趙步堂劉開成海金周並海金周之子海東樓陸續拏獲並獲到供出之犯證十餘名著穆彰阿等嚴行審訊務得確情分別究辦此外有無知情同謀之人著向該犯等根究設法緝拏毋許一名漏網至陳端陳堂陳光三名尤爲案中要犯著按名拏獲歸案審辦不得稍有疏縱○己卯諭軍機大臣等本日據張井由驛馳奏于家灣缺口黃水入湖之處前經奏明隄南湖內及缺口上下十餘里外卽係清水計其沙淤不出三四十里灘地之內見又坐船探量仍與前次相倣查看于家灣口門順長至外南廳兵二堡水色黃濁以下至吳城六堡水色淡黃六堡至裏河之東清壩則全係清水毫無淤墊情形是黃水

雖係入湖斷不能入運本年回空固可暢行卽來年重運亦決不至阻滯回空船隻隨到隨渡截至九月三十日止已入禦黃壩南下計船七百二十二隻等語前因御史鮑文瀄奏南河入湖恐妨運道又據宗人府府丞潘錫恩奏全黃入湖請急籌補救以利新漕節經降旨令穆彰阿等將陳奏各條妥籌會議具奏茲張井查明于家灣缺口黃水入湖計其沙淤不出三四十里灘地之內至東清壩則全係清水毫無淤墊是黃水入湖竟不入運回空已暢行七百二十二隻之多似可轉敗爲功來年重運尙無阻滯之患惟回空全竣堵築于家灣口門合龍後其禦黃壩是否可以不堵竟復舊規抑或尙須暫堵明年重運到浦時仍用倒塘灌運舊法著穆彰阿會同陶澍張井體察見在水勢情形仍遵前旨詳細查明妥籌會議據實覆奏總須加意熟籌於慎重河防之中無誤來年重運方爲至善儻來年重運竟有阻滯朕惟該河督是問○庚辰裁浙江紹興府北塘衢州府糧捕通判杭州府屬城北務錢塘縣屬西溪務稅課大使湖州紹興二府司獄象山縣趙嶼巡檢建德縣縣丞○甲申以故貝勒奕亨子載容降襲貝子○丙戌諭陶澍等奏江西鹽務亟須整頓請遴員分往疏緝一摺江西鹽務疲敝已久自應亟爲整頓該督等酌議倣照舊例略爲變通請就江西本省丞倅知縣佐雜中選派分辦著照所請瑞州府銅鼓營同知張玘候補縣丞徐希綸等准其飭委辦理鹽務以專責成如果辦有成效准其分別請旨獎勵儻有因循玩縱卽著嚴參示懲俾知奮勵其另片奏饒州府岸銷近年益形缺額有專岸之名無專岸之實准其援照成案將